

**MESYUARAT PERTAMA PENGKAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XVI)6

**SOALAN BERTULIS OLEH AHLI KAWASAN SUNGAI DUA
YB. MUHAMAD YUSOFF BIN MOHD NOOR**

6. Pelancongan di Sungai Dua.

- (a) Adakah Kerajaan Negeri mengenal pasti beberapa lokasi berpotensi sebagai pusat pelancongan di Sungai Dua? Jika ada senaraikan.
- (b) Apakah usaha Kerajaan Negeri untuk mempertingkatkan sektor pelancongan di Sungai Dua selain menjadi HUB Makanan?
- (c) Agensi manakah yang bertanggungjawab membuat kaji selidik pusat pelancongan baharu?

**YB. YEOH SOON HIN
MENJAWAB BAGI PIHAK Y.A.B. KETUA MENTERI**

6. (a) Kerajaan Negeri telah mengenal pasti beberapa lokasi berpotensi sebagai pusat pelancongan di Sungai Dua iaitu Hutan Pelajaran Air Hitam Dalam, Homestay Lahar Yooi, sekitar pesisiran Sungai Perai dan Lembah Makanan Sungai Dua.
- (b) Usaha Kerajaan Negeri untuk mempertingkatkan sektor pelancongan di Sungai Dua selain menjadi hub makanan adalah seperti berikut:
- (i) Memberi fokus kepada pelancongan eko melalui Hutan Pelajaran Air Hitam Dalam. Kerajaan Negeri melalui Jabatan Perhutanan Negeri sentiasa menyelenggara dan menambah baik kemudahan serta meningkatkan infrastruktur yang ada di Hutan Pelajaran Air Hitam Dalam;

- (ii) Bekerjasama dengan Kementerian Pelancongan, Seni dan Budaya Malaysia untuk menggalakkan lebih banyak pengusaha tempatan bergiat dalam program homestay; dan
 - (iii) Membangunkan infrastruktur asas bagi memudahkan akses ke lokasi pelancongan di samping menambah bilangan tanda arah bagi tempat tarikan pelancongan.
- (c) Jawatankuasa MMK Pembangunan Pelancongan yang dianggotai oleh Pejabat Daerah dan Tanah, Pihak Berkuasa Tempatan serta agensi-agensi kerajaan berkaitan pelancongan seperti Penang Global Tourism, Pejabat Kementerian Pelancongan, Seni dan Budaya Malaysia Pulau Pinang, Jabatan Perhutanan dan Pejabat Warisan Dunia George Town merupakan badan induk yang bertanggungjawab untuk membuat kaji selidik pusat pelancongan baharu.